

據商務印書館一九三五年版重印

四部叢刊三編（一〇一七）

罪性錄

東山國語

（八冊）清介繼佐撰

上海書店印行

上海福州路四二四號

上海影印廠印刷

1985年8月


蘇州大學
PDG

四部叢刊三編史部

罪惟錄

八

傳卷二十六至卷三十六



罪惟錄閩懿列傳卷之二十八

宗室

朱德貞瓊秀瑤芳

附廖氏

劉生姦

附姦吳氏

安福郡主隆姬

朱德貞，盱江人。孟府輔國將軍常莊三女也。八歲，字儀衛。

副王卿卿子重賢十歲，重賢殤，女聞訃，即素食縞衣，繡大

士像朝禮，及笄，父欲更字之。三、欲自經，議遂

已。于重賢忌日，歸其家，衰經執，就位。設奠，自製祭

文，情辭清至，執婦道終其身。事聞，歲終五十石。

瓊秀瑤芳，豫章宗室朱石虹二女也。石、授為廬州

府同知。兵至城下，石虹走匿去，二女同其侄婦廖氏俱

投井以死。嘉靖中奉旨即於井上表坊。賜額曰一時三烈。
時礼曹嚴煒以詩紀事。有壯士傳烈歌。易水美人坐井傲
西山之句。

南昌宗室女歸劉生。宗室故不為人妻。以貧故與劉生而
諱之。劉生固有妻吳氏。不妬。戊子江西鎮將金聲桓反。為
明守。劉生避亂。以妻妾入山。道遇暴卒。擊劉生走。欲犯朱。
朱不從。投東溪死。卒起刃之。而妻乘間赴南陂池死。傳鼎
鈞被繫。從囚車為之辭。

安福郡主寧靖王真培之長女。下嫁宣聖五十八世孫景
文。工草書。能詩。有桂華集。

陰姬淮王郡主有題孟貞女拍歌吟諸作在敬有體裁
論曰請問為何氏所出

女貞

湘女、衛林氏、小花、祥符陳女、張氏女、秀、劉教兒、張福
妹、潘聖姑、史義姑、劉康妻、熊氏、蔣仁姑、歐陽妙聰、
會稽范氏、謝夢九妻、李氏、林萊、紀貞女、方渭女、嚴
大臨妻、張氏、陳菊英、顧同吉妻、王氏、張呈妻趙氏
楊允修妻何氏
氏沈慈妻、林氏、包字信妻、鄭氏、楊玉英、張氏女、秦
柔周妻、宋氏、
泓昌妻、吳氏、藍明娘、黃烈女、甄時用妻、陳氏、王成
妻、郭氏、楊洪柱妻、萬氏、王守仲妻、程氏、陳毓華妻
浦氏、張維妻、王氏、張旺妻、石氏、
以養妻、丁氏、吳
汝璐妻、殷氏、任士英妻、王氏、趙燭遠妻、陸氏、陳若

瑛蔣政妻張氏素貞卜息妻齊氏休復氏宣城施氏曲裔

遷夫人趙指揮女武昌女子施女何烈女

湘女失其氏洪武初女數處字同里某指揮見亡至十三
坐其父轉漕沒糧繫獄家已空不能塞負女未過門依隣
嫗紡績傳餉其夫歷三十年七十餘猶然處子也鄒善
以曹郎恤刑湖廣聞之嘆曰古者罪人不孥為奏豁免即
日屬官吏師生迎貞女成偶而大書三楚遺烈四字顏其堂
陽衛林氏未婦夫卒就夫喪執婦過終身官目索之
海州侍小花年十六許嫁而夫早卒往夫家成喪持服養
姑送終剪髮自誓守節不二洪武中採訪使上其事所司

以其年未五十、不合例、兵部侍郎徐宗實請破格旌之。
祥符陳女年十八、天順中、字陳瑄、早卒、女痛哭、將往死。
之、父母不許、往哭、父母又不許、則竊剪髮、屬媒氏、寘夫袖
中、瑄母果以初庚帖果髮殉葬、尋父母逼女、他適、女不從。
自縊死、後五十三年、陳氏孫改葬瑄、求陳女骨、合窆、葬三
年而岐穀了、瓜產其墓。

張氏女秀、河南西平人、年十七、字同邑尹琳、未婚、琳死、女
聞計、易服悲哀、若已嫁者、葬之日、請於父母臨穴、憑棺哭
幾絕、已請即尹氏執喪、舅姑不忍也、勸之他適、誓死以謝。
母宋病、歸省、宋思鹿羹、剗股作羹進之、宋疾以愈、遂以老。

劉欽見南直高郵人少許吳作秀才正德中作疾薦告母欲得所聘劉而見之劉輒往見坐榻與作款語作病愈方歸已而作病終不起女卧隱痛起收嫁奩滿一牀送作家夜潛投舍河死父母憐之早與作合塋

張福妹福建興化人福為廣西右衛鎮撫赴京襲職道卒棄劉少親戚欲更嫁之以孤輝方六歲不忍去妹曰嫂去孤不存兄福祀絕願不嫁伴嫂終其身既卒鄉隣號其塚曰義姑塚

潘聖姑浙江錢塘人許聘孫登名登名早卒聖姑欲奔喪守制父母不許遂毀粧垢面服縞斷葷或聞其實爭聘之

報求盡。後登名母死，哀毀，閉戶，私奠，裂衾自縊。死，鄉人祠之。
史義姑，許聘，宜興節一龍，未歸而一龍卒。義姑書中心，不
改四字，自刺其臂。父母終，不能奪其志。

劉康妻熊氏，湖廣麻城人。未歸而康疾篤，割左股遺康和
藥，終不起。必往哭之。父母不能止。姑曰：「女未及吾兒生，何
必死？」女曰：「以腹食之，薦身矣。」以首觸柱而死。萬曆中旌門。
蔣仁姑，廣西全州人。父希敏與母早世，二弟幼。仁姑曰：「吾
為撫之，遂不嫁。」二弟長，各為聘婦成家。二弟終身事之如
母。鄉人稱之曰「仁姑」。
歐陽妙聰，彭澤人。父永暄卒，有四子，已而亡其二。母痛曰：

即存二子寧復知我無所依矣。妙聰曰：勿慮。兒顓終身侍母。遂掠髮自誓，終不嫁。母病，瞽朝夕焚香籲天，暫復明。母八十且卒，遺命妙聰適人。妙聰曰：老矣。吾幼弟已孫，休之。鄉人稱曰孝女，正德中旌表。

會稽范氏，幼好讀書，通列女傳，有姊嫁江氏，一月而寡，而身將歸傅氏。夫且卒，乃偕其姊築室同居，踰三十年後，為堂姊妹合葬焉。

謝萸，九妻李氏，江西崇仁田家女也。幼字萸九，萸九商楚，久不歸。李既笄，歸謝服勤，越五載，萸九書來云：已他娶，無須李。李矢志不嫁。後其父私以字人，女聞之，自縊死。

林某河南陳人父舜通歷官叅政初學授于某得女以名
某生婉孌供女職舐母目復明舜道知仁和時御史中丞
陳肖司理金華遂以字者子長源未嫁而長源卒某固請
父礼赴于陳執婦喪復請治長源葬容棺之塋必而積七
日不食嘔血死陳為合葬長源於嶺西

紀貞女烏程人字金來聘未歸而聘卒欲奔喪以母病且
止母歿之夫家事舅姑十年不出戶痛夫至病且卒舅姑
欲圖其貌貞女曰兒寡女也豈令人見掩面而逝旌門
方謂女南直歟人字同里汪鳳未歸鳳卒斷髮絕粒必從
死父母百勸不聽曰必告我姑以我歸姑來亦苦勸復不

聽曰。使得臨夫。暴執夫喪。可以不死。姑不得已。迎之。比至其家。攀帷視車中。已自經死。

嚴大臨妻張氏。歸安通判弘裕女。未歸而大臨病革。女欲往視病。父母不可。大臨竟卒。必求送殮。父母又不許。佯曰。去即復歸。唯父母命。及視殮畢。竟不肯歸。題五言詩以見志。有未識夫君面。心從誓百年之句。守志五十餘年。如一日。

程菊英。開化人。已字文學張國珍。而為青陽豪宦。以官法劫之。夫兄戚累死。強入與菊英自繫輿中。遺詩見志。官為之合葬。屠隆志其事。

顏同吉妻王氏。南直崑山人。太僕王字女孫。未歸而太僕

生同吉奔哭請父母性視殮不肯來母家執婦道甚恭。以
之姑病侍藥姑以形瘠勞苦之歎執其手王籠袖莫敢前
頃之則已斷一指入藥矣此萬曆中事松江志尚載張昱
妻趙氏楊允修妻何氏沈樵賢妻林氏葉周妻宋氏皆未
婚處女

包守信妻鄭氏浙江烏程人未歸而守信卒奔喪為夫服
家被火盡婦與寡嫂孫氏同處矢志至老不衰孫氏鄭文
煥妻也

楊玉英泰寧人博古善吟詠字官時中時中家援事父母
改受他聘英入室自縊遺命荷蓑布鞋遺官鞋有詩示決

張氏女，莆田人。其父乙為之擇配，受其聘矣。既而悔之，欲更字富商女。作詩，兵志引刀自刎。詩曰：情落林花白，碧心驚。頗知向美非吾土，却憶當年敢再生。隱几芳魂飛海峽，捲簾秋色滿山城。年華轉換俱塵跡，底事猶牽世上名。秦泓昌妻吳氏，南直無錫人。未婚而泓昌卒，女聞訃，截髮自誓。久之，父為更相攸。女投繯絕粒，外母好慰之，唯汝飯身全粟，沒世。女曰：見休矣。嘔血盈盂，卒不食死。

藍明娘，福建晉江人。事母孀居，通孝經，裂女傳，字同里黃祥麟。祥麟早卒，明娘告母，麟獨子，願歸黃侍姑。母不諾，請為之喪，又不諾。夜呼黃，即名者。再凌晨梳盥，猶持櫛出為女髻。還掩戶，自經。身縞素，周縈帶繫紅箋，細書男人勿近。